



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Martinii Tridentini E Societate Jesu Sinicae
Historiae Decas Prima**

Martini, Martino

Monachii, 1658

Vigesimus Imperator Uutingus. Imperavit annis LIX.

urn:nbn:de:hbz:466:1-11848

ceptorum disciplinā educatus est à puerō; sed ut primum ab ijs liber & sui juris, rei Sinicæ arbitrium obtinuit; salutaria monita oblitus, & tanquam laxatis libertatis habenis, vestigia patris ingressus purpura-tis insuper assentando virtutis nondum adulter nervos elidentibus, li-bidine, inertia, levitate insignis fuit. Usque adeò in malum proni sumus, metu soluti; maximè si mali iandatores accesserint. Hujus memoriam illustravit utrumque filius imperij ab eo relictus heres; quo fortasse meliorem admirabiliorēmve Sinæ non habuere. Id adeò nunc videamus.

VIGESIMUS IMPERATOR UUTINGU.S.

Imperavit annis LIX.

Adolescens patrem morte amisit; quam insolitā tristitiā ac dolo-re luxit, nullum signum grata voluntatis in eum omittens. Pie-tas enim, ut suprà ostendimus, præcipue adversus parentes mor-tuos Sinis semper sanctissima fuit. UUTINGU.S ergo, ut palam face-ret omnibus, quā esset erga demortuum parentem observantiā, Can-puono, Colao suo seu adjutori tradidit imperium. Ipse prope se-pulchrum paternum exstructā ædicolā toto triennio delitescens, non inerti tamen otio interim marcebat; sed quæ optima gubernandi ra-tio, quæ virtutes ad eam maximè necessaria, secretā estimatione pen-sabat. Silentio, quod mirere, tam severè addictus, ut ne verbum qui-dem eo tempore cum quoquam loqueretur. Omnis ei sermo cum Cælo solo fuit, præter virtutem ab eo nihil opranti. Sed nec soluto luctū obsequio in palatium reversus loquebatur. Cujus silentij perti-naciam demirati ordines atque magistratus demique alloquendum censuere. Adeunt igitur ad illum unā omnes; è quibus unus omnium loco hac oratione usus, Sapientes, inquit, & altà quadam mente pradi-tos, virtute velut humana vita regula cumprimita decet, alijs rectâ vivendi speciem esse. Quod è magio, Imperator, tibi faciendum, quò aetiore folio emines, virtute a sapientiâ singulari, & à Cælo datâ conspicuus, optimo publico, summâ tui nominis commendatione. Sed hanc laudem factis

Cyclo 23. anno
54. ante Chris-tum 1314.

Pietas in de-functum pa-trem.

Regis diutu-num silentiū.

factis adhuc, non perinde dictis implevisi. Loquite oportet, quod unum deest laudibus tuis. Qui præst omnibus, quomodo dicto audientem habebit populum, si tacet ipse semper, & cuncta dissimulat? Falsa tua quamvis usquequaque clara, nisi animentur voce, nec vim nec imitationem habent. Ergo tandem loquere; ab ore tuo penderimus omnes, & optamus simul, ut, quemadmodum factis adhuc, ita in posterum dictis exemplum nobis fias.

His auditis Imperator conticuit. Non quasi offenderetur; sed quia morem suum sequebatur, ut scripto responderet. Illud autem erat hujusmodi. Scio meas partes esse, ut recte atque ordine omnia dispensem ac disponam. At veritus, ne imbecillitas mea longè deflexisset a majorum meorum virtute; simul & scientiâ recti; obstinatior fui ad silentium. Interea cum à supremo Imperatore supplex contenderem, ut ea suggesteret mihi, qua ad rem pub. bene administrandam sunt necessariâ; obsecrationem meam haud aspernari visus est, oblatâ per somnum specie hujusmodi. Videbam enim hominem formâ statâ, cuius imago tam fideliter animo infixa heret, ut si quem similia lineamenta gerentem obviam habeam, facile agnitus sim. Illum supremum Praefectum cooptare monitus, eousque indixi silentium mihi, quoad eum invenero. En eius figuram in tabellâ depictam eo prorsus modo, quo à celo est objecta mihi, vobis represento. Ite, ac certos homines, qui eum conquisiè vestigent, quoquoversum dimittite. Dictum factum. Denique repertus in pago quodam Fv dicto faber cæmentarius Y e u s nomine, pictam faciem ad vivum exhibuit. Hic ergo ad Imperatorem adductus, & in experimentum prudentiæ varijs quæstionibus tentatus statim ostendit, quam longè corporis habitum animi bona superarent. Nihil vulgare, nihil medium in eo cerneret. Jussus enim aliquid pro publico dicere, de bene morato & bene constituto imperio, de negotiorum ac munerum diversitate, de Regis & civium officijs mutuis disertè perquam atque enucleatè disputavit. Quibus magnâ cum voluptate auditis Imperator illum affatur in hunc modum. Enge, quod bene vertat, Y E E inter omnes Praefectos & magistratus meos tu primus es. Accipe dignitatem, quæ manifesto Celsi judicio & favore contigit tibi. Praeceptoru loco mihi eris, nec à meo unquam latere discedes. Hortare, doce, quoties opportunum tibi videbitur; discipulum manè, vesperi, hoc est, semper, dicto audientem habebis, semper majores in virtute progressus optantem. Speculum crede me, continentem abs te poliendum. In profundo flumine periculose me titubantem putra; tu navis, tu naucleriu es. Ego sum instar sisenis agri; tu instar opportuna

opportuna pluvia pectoris tui fontes aperte, & salutaribus preceptis animum
meum humecta. Medicinam. ubi erit necesse, quamvis amaram adhibe.
Non proficiunt ad satietatem medicamenta, è quibus voluptas queritur.
quare peccanti ne parce; & adhibita Präfectorum reliquorum ope sic
mecum age, ut exemplum perfectæ cumulataq; virtutis, qua in TAN-
G O avo meo effulgit, in me renovetis. Y e u s imperatorem sub hæc di-
cta veneratus è more gentis, Scire, ait, quid rectum sit, haud est diffi-
cile; sed facere, quod rectum scias, difficillimum. Nam, ut arbor no-
vella directè in altum surgit. si ad aliquid adminiculum admittitur;
ista si rex aure secundà excipiat, qua à fidis ministris monetur, facilè no-
minis sui sanctitatem tuebitur, habebitque intentos simul ac promtos ad
nutum omnes. Sed nimis longum faciam, utique supra compendij
modum, si memorem omnia, quæ de Y E O traduntur. Illud tamen
hinc licet obiter discas, sub vili lacernâ ingentem nonnunquam ani-
mum, magnâque sapientiam latere. Hoc igitur adjutore in impe-
rio multis annis pax fuit tranquilla. Accidit inter hæc res parva qui-
dem, memoriâ tamen haud indigna. Fortè Imperator in avorum suo-
rum aulâ sacrâ operabatur; cùm galina silvestris supersiliens ansam
vasis, quod ad incendendos odores præsto erat, feritatis oblita, im-
pavidè singultire cœpit. Id in triste omen acceptum ab illo, nequid
fortè à se violatum esset atque commissum, metuente Quare diligenter
in seipsum quæsivit, si quâ tenuisset iter à virtute deviū; rectè statuens,
ubi causa publicæ calamitatis consistit in personâ principis, medica-
tionem à capite ordiendam. Hunc talem cùm se præberet Imperator;
pietatis suæ famâ ad longinquâ etiam loca manante, in omniū animos
influxit. Dynastæ quidem, qui ad fines Sinæ occidentalis colebant, ul-
tro séque suâsque ditiones sub ejus imperium subjunxere, constrictis
Sinico more capillis venientes cum interpretibus, amplissimisque do-
nis. Quos omnes Imperator amicè acceptos horrabatur, ut in Sinarum
mores atque instituta & immigrarent ipsi, & in suas ditiones induce-
rent. Id si fecissent, gratius sibi fore, quam si sua omnia ei adcerent.

Ita diutissimè prosperis rebus, ne felicitas esset perpetua, inter-
cessit impotens aliunde dominatio. T I E Y U S quidam è regulorum
grege, præcipuâ crudelitate imbutus, potestati suæ obnoxios tyran-
nicè habuit. Eorum sortem miseratus Imperator, monito primùm,
sed ad legitimum imperium contumaci per Präfectos suos indixit
bellum. Id annos omnino tres variâ fortunâ & ancipiti Marte tenuit;

donec tandem ad justitiam causæ respexit victoria. Victum regulum ad se venire jussit Imperator; optimisque præceptis traductum in me- lius, in integrum restituit; bello ac pace victor, sed majore in ista, quam illo gloriâ,

VIGESIMUS PRIMUS IMPERATOR.

ZUKE NGU S.

Imperavit annis VII.

Cyclo 24. anno
53 ante Christum 1265.

ITa tranquillatum à patre imperium ZUKE NGU S per manus accepit, tenuitque, licet paternæ felicitati, ut & virtuti longè impar. Nec aliud de eo, quod addam, habeo.

VIGESIMUS SECUNDUS IMPERATOR

ZUKIA U S.

Imperavit annis XXXIII.

Cyclo 24. anno
6. ante Christum 1258.

Hic ZUKE NGU S frater fuit, & ab hoc & à patre multò magis degener, superbiā, quâ præ se despiciebat omnes; tum libidine vagâ & inconstanti, ut cum Sinis loquar, insignis. Quibus maximè vitijs istius familie robur concussit, ad imperij reliquias penitus subruendas relicto filio, patrem malis artibus non æquante solùm, sed etiam superante.

VIGESIMUS TERTIUS IMPERATOR

LINSIN U S.

Imperavit annis VI.

Cyclo 25. anno
53 ante Christum 1235.

EO enim mortuo, ut voluptatibus se dederet impensius, imperij negotia præfectorum commisit arbitrio, nihil penisi habens, quic-